

Tuhaqtidjuraa haffuma Atanilluaq Nunallaani Aanniaqtailinikku Havaktiata

Tattiarnaqhilirvia 2023

Aanniaqtailinirmun qanuriniinun uniudjutit tunihijut iharianaqtunik pijaghanik uqautigijaangini kangiqhidjutit ikajuutinun ihumaliurutinun-havaktaujunun. Pipkaidjutigijaqqut itqaumalugit, ihumagilugit hakugingniit ajuqhautillu, aulahimaatumik turaangalugit ihuaqhijuuminirmun aanniaqtailinir inuuhiqattiarniqlu Nunavunmiunun. Una havaaghaq pijariaqaqtuq aulahimaatumik havaqatigiingnirmik nunallaanun, Inuit katimajit, aalallu ihuaqtut tigumidjutiqaqtut.

Nunavut mihigimaliqtut hulaqutainun aanniarutaagut nunaquami hapkunani ikituni kingulirnir ukiuni. Nunavummiut, nunallaalu avatiini nunaquap, pivaktut amigaitunik aghuurutunik aalanguqtirnimunlu ikajuutighat munaridjutighamingnik aalanunlu. Ilangit, ukuatut inirniqhat tapkuallu pijaarnirmun ikitunun maniktigut ikajuutinik, aghut hulaqtaujut. Pidjutigiblugit hapkua hulaqtit, iliturhimablugit angitqiat havaaghat inungnun aanniaqtailinirmun, una uniudjut turaangajuq aanniarunmun nunaquami.

Piqaqtuq anginirmik, hakugingnirmik, aghullu ilihimanirmun Inuit pitquhiinik, qanuqtut inuuhiit, ukpirijaillu. Piqaqhunilu anginirhakkut aanniaqtailinirmun inungnunlu ajuqhautinik atuqtaujut Nunavunmiunin. Aulahimaatumik atuqlugit nakuutqiatigut atuqtaujut inungnun aanniaqtailinirmun ihuaqhaqhugit angirutinun haffumani *Nunavut Angirutaani* ukualu Inuit Inuudjuhiini Aturniqaqtut imaatun inuuqatigiitsiarniq (pittiaqhugit aalat, ilauqatigiigutit munariblugillu inuit), ikajuutiginiqaqqut uqautigijaangani hapkua ajuqhautit.

Qujagijatka havaqatigiit ilaujut Havagviani Aanniaqtailinirmun kitut havaktut katitighugit kangiqhidjutit ilaujut haffumani uniudjutini, ukualu havaktit havaktut aghut tunihinirmun aanniaqtailinirmun munaridjutinik inungnun aanniaqtailinirmun kivgaqtuutunik avatiini aviktuqhimajup.

Nunavummiut tautuktijut arlingnaqtumik pittianirmik mahulingainirmiklu haffumuuna atuqtaujumun. Piqaqtuq amigaitunik hunanik tapkua atautit nunallaallu aulahimaatumik munarijaangani inmingnik aalallu hiamitirniranin aanniarutit, ilaujut pinirmun kapuqhiutit pijaarumik. Qujahuktungalu havaqatigiblugit nunallaa ukualu havaqatigiit ihuaqhijuumirahuaqhugu aanniaqtailinirmun tamainun aviktuqhimajumi, hivuliqhuutaatigut ikajuqtigiinni, havaqatigiingniq haffumuna atuqtaujumun pidjutaumun.

Pittiarnikkut,

A handwritten signature in black ink, appearing to read 'Jasmine Pawa', written in a cursive style.

Dr. Jasmine Pawa

Ataniulaktuq Inungnun Aanniaqtailinikkut Havaktia, Nunavut

Kangiqhidjutit

Aanniaqtailinirmun qanuriniinun uniudjutit unihijut kangiqhidjutinik inugiangnirmun aanniaqtailinirmun pidjutinik tapkua pidjutiqaqtut aanniaqtailinirmun. Tamna uniudjut pidjutiqaqtuq kangiqhidjutinik inugiangnikkut naunaitkutakkut, aanniaqtailinirmun qanuriniit, aanniaqtailinirmun idjuhiit, pijaarnirmun aanniaqtailinirmun munaridjutit, naunaijautaujullu aanniaqtailinirmun. Hapkua amigaitunik pidjutiqaqtut ajungnaqtullu inmi ilauqatigiingnirmun atautinun, ukualu pidjutiqaqtut tamainun aanniaqtailinirmun inugiangnirit.

Inuit Qaujimagatuqangit ihumagijaujut hivuliqhuutaulutik ihumaliurutinun-havaktaujut Nunavunmi, ilaujut havaktait Havagviata Aanniaqtailinirmun (Health). Titiraqhimajuq 44(6)(e) haffumani Nunavunmi *Inungnun Aanniaqtailinirmun Maligaani* pijariaqaqtaa haffuma Atanilluaq Nunalaani Aanniaqtailinikkut Havaktia (CPHO) upalungaijailuni nuitilugut, tamaini malruk ukiuk, uniudjutit hapkununga Ministait Katimayiinun mighaanun aanniaqtailinirmun inuit Nunavunmi.

Pidjutaa haffuma CPHO aanniaqtailinirmun qanuriniit tuhijaamingni kangiqhidjutinik tapkua ikajuutauniaqtut maliruagahanun ukualu inungnun aanniaqtailinirmun pinahuarutit tamna ihuaqhijuumirutighaq aanniaqtailinirmun qanuriniit aadjikiingitut Nunavunmiut.

Pidjutigiblugit hulaqutit qalagjuarnirmun COVID-19 aanniarut nunaqjuami, una uniudjut turaangajuq uqautigijajumun, kitut ilangit havautiliqinikkut naunaijautit katitiqhimajut qalvanga. Ihumaginaqtut tapkua amigaitut hiamitiqtut aanniarutit aalat qalagjuarnirmun It COVID-19 ukualu inungnun aanniaqtailinirmun pihimadjutilgit amigaitunun hiamitiqtunun aanniarutinun. Havaqatigiit havaklutik havaqatigiingnikkut haffumanik siksiniq ilaqaqtunik inungnun aanniaqtailinirmun auladjutit naunaijaqhimajut uvani Kanadami: inugiangnikkut aanniaqtailinirmun ihariurutit, aanniaqtailinirmun munarittiarutit, aanniaqtailidjutit, aanniaqtailinirmun aghuurutit, aanniaqtailinirmun aanniaqtailinirmunlu, qilamiunirmunlu upalungaijautit kiudjutillu.

Hatumiarutit aanniarunmun nunaqjuami ilaujut tuhaqtidjutit ihumaliurutillu avatiini amigaitut havaqatigiit, ilaujut nunallaat haamlatkut, Inuit katimajit, nanminiaqqtut havagviit, Aanniaqtailinirmun, aalallu havagviit. Una uniudjut tunihijuq takunaqtunik talvanga kihimi pihimangitut tamaita hapkua hatumiarutit havaqatigiigutuluuniin avatiini aanniaqtailinirmun munaridjutit, inungnun aanniaqtailinirmun, tamaallu inugiangnirinun hatumiarutit atuqtilugu aanniarut nunaqjuami.

Iluaniitut uvalu Ihumaliurutit Aaniaqtailinikkut

Talvanga 2021 kihiqtitautini, qanituq hamunga 37,000 inuit nunaqaqtut Nunavunmi, ilaujut haffumunga Inuit Nunangat. Naamavyaktuq 85 pusat inugiangniit Inuit. Nunavut piqaqtuq inulramirnik inugiangnirit aviktungniini unalu aviktuqhimajumi Kanadami. Qanituq hamunga 40%-mik Nunavumi inugiangnirit ukiuqaqtut 18-nik atanilu. Kanadami, aadjikutaa ukiuqaqtut naamvajaktut 19%.

Aanniaqtailinirmun qanuriniit pidjutiquaqtut naunaijautit aanniaqtailinirmun kitut pidjutiquaqtut tamangnik nakuujumik pidjutit qajangnautillu pidjutait. Hakugingniit atungniilu Inuit pitquhiit, uqauhiit, ajuittiaqhimajait, ihumagijaiillu aviktuqhimajumi. Piqaqhunilu anginirhakkut aanniaqtailinirmun ajuqhautinik atuqtaujut Nunavunmiunin. Inuit Tapiriit Kanatami (ITK), naunaijaqtait aanniaqtailinirmun Inuit ihumagijainun imaa "Aanniaqtailinirmun avatiillu atajut, ukpirinikkut upautidjutit iharianaqtuq Inuit inuuhiqattiarutighait. Inuinnarnun, inuuhiringniq angitqiaq aannianganikkut." Una ukpirinikkut upautidjut ilaujut pitquhikkut uqauhikkullu, ilihalihaaqtut pivallidjutait, ikajuuhiaqtitiniq, piinarialgit aanniaqtailinirmun kivgaqtuutit, ihumamunlu inuuhiqattiarniq.¹ Ilangit pidjutaujut atuqtauqataanginaqtut, ilaujut pijaarnirit iglunik niqiniklu.

Iglutigut ajuqhautit Nunavunmi anginiquhaujut. Ilangit Nunavunmi Inuit iglumiujut inugiakpalaqaqtut iglukhat amigaiquyumijut hamanga 2016min hamunga 2021mun pidjutigiblugit 2021mi naunaijaidjutit. Naamavjaktuq pingahut talimanin Inuit Nunavunmi igluqaqtut inighailiuqhutik, naamavjaktuq atauhiq pingahuni Inuit Nunavunmi igluqaqtut ihariagijaqaqtuni anginirhakkut ihuaqhaqtaulutik.² Inugiakpalaqaqtut akuungitullu anniaviit ilaujut anginirhamun qajangnautinun hiamitiriranunqalagjuarnirup COVID-19, tiibiinirmun, aalalu aniqhaaktarnirmun aanniarutit, aalallu aanniaqtailinirmun qanuriniit. Niqailiurniq naunaijaqhimajuq qanurinia tamna atuqtaujuq humi inuit piqaluangitut qajangnaitunun nirijuminaqtullu niqit. Uvani 2017-2018, 57% hapkunani Nunavunmi iglumiujut naunaijaqtaujut niqailiuqtut.³

Taimaangugaluaq qalagjuarniq COVID-19 kiudjutait havakjuaqtaujut aanniaqtailinirmun auladjutinun hulidjutait pinahuarutaiillu avatqumajumi malruk ukiuk, aalat hiamitingitut ukualu hiamitiqtut aanniarutit ajuqhautait atuqtaujut aviktuqhimajumi. Ikitqijaujut Nunavummiut amigaitilangit aanniaqtailinikkut ukualu ihumamun aanniaqtailinirmun

¹ [ITK Inugiangnirun Ihumagijaujut Inuit Aanniaqtailinirmun Kanadami](#)

² [Iglut qanuriniit hapkununga Nunaqaqaqtut inuit, Métis ukualu Inuit hamani Kanadami 2021 Naunaijautaini](#)

³ [2020 Niqailiurniq tunungani Kanadap: Kaniqidjutit](#)

nakuuqpiagtut, aadjiliurutigiblugu ilanga Kanadap. Avatqumajuq 60 pusat Nunavunmiun higaagtut higaanik uvalu ajuqhautiqagtut aalanun aangajaangnaqtunik atungnikkut. Tiibiirniq nuliarnikkutlu hiamitiqtaagtun aanniarutit (tapkualuat syphiliis) amigaitilaangit amigaitut huli pijariaqagtut kiudjutigilugit.

Qalagjuarniq COVID-19

Qalagjuarniq COVID-19 aghut anirnirluktunik aanniarut aanniarutaanik SARS-CoV-2 aanniarutaa, novel coronavirus anniarutaa iliturijaujuq inungni hamani Ubluiqtirvia 2019mi. Qalagjuarniq COVID-19 tikiutijuuq tamainun nunaqjuamun tamainun uvani Qiqailruq 2020, aghut aannialaqiblutik, huiqhutik, tamatkiutivjakhuni inungnun maniliurnirmun ulapiqutauluqhuni avatqumajumi pingahut ukiut. Uvani Qiqaijaluvarvia 2023 ukua Nunaqjuami Aanniaqtailinirmun Katimajiit uqariiqaat tamna qalagjuarniq COVID-19 inungnun aanniaqtailinirmun qilamiurutaujungiqtuuq nunaqjuami ihumaaluutinun kihimi uqautigiblugu aanniarut nunajuarmi atuqtauhimaaqtuuq.. Aannirut hanguhimaaqtuuq niriuktaujuqlu aulahimaaqluni aalanguqtiqluni qakugunguqqat.

Aadjikiivjaktut humiliqaak, Nunavut atuqhimajut aanniarunmik nunaqjuami ublumimun avatqumajungni malruk aalangajuk atuqtaujuk: Hivuliqpaaq, hivuani-Omicron, atughaaqtilugu 2020 hamunga atughaaqtilugu 2021 tugliq atuqtaujuq, Omicron, aularutijuuq atughaaqtilugu 2021 aulahimaaqtuuq huli. Atulihaaliqtiillugu aanniarut nunaqjuami, piqangituuq naunaijatarutiqaqtunik iliturinirmun ihariuruit, kapuutit ilihimajaulullu mamihaidjutit qalagjuarnirmun COVID-19. Ihivriurutit qilamik havaliquhugit aviktuqhimajumi kauutillu piinariaaqiblugit nunguniani 2020.


Uvaniluq aularutaanin hivuani-Omicron aanniarutautilugu, Nunavunmi inugiangnirit anginirhakkut ihumagijaujut aghut qanuriniit qalagjuarnirmun COVID-19. Imaalutauq, uvani Omicron hivituniani Nunavunmi inugiangnirit mikitqiamik qanuriniit qalagjuarnirmun COVID-19, angninirhakkut kaupuqhinirmun-aanniaqtailinirmun munaridjutit. Tadjja, qalagjuarniq COVID-19 iliturijaujuq tamaini 25-ni nunallaani imaalu kajumiittumik nuutiqhijaujuq mikhaanut ikiklivallidjutimut ikajuutikhainnik qalagjuarnirmun COVID-19 aannialaqitailidjutit, ilituridjutit munaridjutillu.

Uvani Nunavunmi Inungnun aanniaqtailinirmun Qilamiurutit nungutut uvani Qitiqqautijuuq 2022, humi qaffiuniit aanniarutit haffuminga Omicronmik, humilu amigaitut Nunavummiut pijaarlirmata ikajuutinik, imaatun kapuutit, ikajuutaujut mighijuuniriangani qajangnautit aghut qanuriniit qalagjuarnirmun COVID-19.


Una uniudjut tunihijuuq havautiliqinirmun kangiqhidjutit hiamitirnanun haffuma SARS-CoV-2 aanniarut Nunavunmi ukualu inungnun aanniaqtailinirmun hatumiarutit atuqtilugu inungnun aanniaqtailinirmun qilamiurutinun hamanga Qiqailruq 20, 2020, hamunga Qitiqqautijuuq 11, 2022. Aanniaqtailinirmun qanuriniit naunaijaqhimajut kikliqaqtut qalagjuarnirmun COVID-19 aanniarutainun aghullu qanuriniit (imaa., aanniaqvingmungaqtitaujut, ICU mungaqtitaujut, huirutillu qalagjuarnirmun COVID-19).

Naunaijautit aanniarutinun

Atautimun 3,548 aanniarutqaqtut haffuminga SARS-CoV-2 aanniarutaanik uniudjutaujut Aanniaqtailinirmun havaktinun atuqtilugu inungnun aanniaqtailinirmun qilamiurutit uvani (Qiqailruq 2020 hamunga Qitiqqautijuq 2022) (Naunaijaqhimajuq 1). Aanniarutit uniudjutaujut tamaini ukiuqaqtuni, qitqani ukiuqaqtut 27nik ukiunik. Tamainun, atautimun 56 aanniaqvingmungaqtitaujut, iingujut ICUmun, iit uiqtut uniudjutaujut. Ilihimalugit qaffiuniit aanniarutiqaqtut atuqtilugu aanniarut Omicron ikitpalaarungnaqhijut itqungniarutait aalanguqtirnirmun ihivriurutit talvanga.



Naunaijaqhimajut 1: Qaffiuniit qalagjuarnirmun COVID-19 aanniatutit imaa uniudjutaujut qitqani Qiqailruq 20, 2020, unalu Qitiqqautijuq 11, 2022 Nunavunmi.



Naunaijaqhimajut 2: Omicronmik aanniarutiqaqtilugu, qaffiuniit nutaat qalagjuarnirmun COVID-19 aanniarutit imaa uniudjutaajut ubluitigut aviktungniitigullu.

Una 7ni ubluni amigaitilaangi aviktuqhimajumi ubluni aanniarutit qaffiuniit takunaqtut qingnariktumik titiraqhimajut. Ilihimalugu tamna Qikiqtaaluk amigaitqiat atautimun inugiagnirit niriuktaujut amigaitqijaulutik aanniarutit Kivallirmi Kitikmeoniluuniin.

Iingujut nunallaat hulaqtutiqaqtut aanniarutautilugu hivuani-Omicron. Imaalutauq, aanniarutautilugu Omicron aannirut qalagjuarniq COVID-19 iliturijaujuq tamaini 25ni nunallaani. Tapkunanga aanniaqvingmungaqtitaujuniin aanniarutautilugu Omicron aanniarutaa, tapkua kapuqhilalimaituugaluit kapuqhiqtuluuniin atauhirmik kapuutighaqangitilugit aanniarutinikamik qalagjuarnirmik COVID-19.

Inungnun Aanniaqtailinikkut Maliktaghat

Tamainun kiudjutit qalagjuarnirmun COVID-19 aanniarunmun nunaqujami turaangajut ikiljuumirahuaqhugit aghut aanniarnirmik huinirmunluuniin, mighijuumiqhugit aalangajut inugiagnirni hulaqtit. Aanniaqtailinirmun upautidjutit hatumiarahuariangani pihimajut ikitunun pidjutinun ilaujut inugniagnikkut pidjutaajut aginnihakkut puvangnun aanniarutinun hiamitirutijut Nunavunmi nunallaani, aanniaqtailinirmun munaridjutit ukualu iluani-aaviktuqhimajup ihivriurutinun

amigaitilaangit, amigaitilaangit aanniarutiqaqtut Nunavunmi aalallu nunat, piinarialgit kapuutit, aallalu pidjutaujut.

Inungnun aanniaqtailinirmun hatumiarutit Nunavunmi aanniarutiqaqtilugu nunaqjuami ilaujut ihuaqhijuumiqhimajut hulidjutit ihivriuqhinirmun, aanniarutit hiamitirniranun munaridjutit, kapuutit, ilihaidjutit, ukualu inungnun tuhaqtdjutit. Ilaliutihimajut nunallaap-tamaanun inungnun aanniaqtailinirmun maligahat atuqtilugu inungnun aanniaqtailinirmun qilamiurutit ilaujut kikliqaqtut katimanirmun, iliharviit umiktitaublutik, tingmitailidjutillu (Naunaijaqhimajuq 3).



Naunaijaqhimajuq 3: Kiklighait pidjutaaluqaqtut inungnun aanniaqtailinirmun hulidjutit ukualu qalagjuarnirmun COVID-19 hulidjutit Nunavunmi hamanga Qiqailruq 2020 hamunga Qitiqautijuuq 2022.

Havakhugit angiklijuumiqhugitiluani-aviktuqhimajupqalagjuarnirmun COVID-19 ihivriurutit amigaitilaangit ukualu amigaiquumiqhugit inungnun aanniaqtailinirmun munaqhit pinaagini qilamik nunallaat-aktilaangitigut hatumiarutit aanniarutinun aktungnirmunlu munaridjutinun hulidjutit. Taimaali, malruk ihiriuhiviik (hamani IqalungniKangiqlinirmilu) hivuliqpaami tamajaniktaujut havagiangini ukua gold standard molecular PCR ihivriurutit (BioFire®). Qakugunguraangat, munaridjutikkut ilaujut ihivriurutinun (Abbott ID Now™) piinariaaqjuq tamaini nunallaani munaqhitkuni. Una kinguani maliktaujuq imaa ikaarnikkut-kikliqaqtut tunihinirit akiitumik munaridjutit qilamik naunaiqtaqtut ihivriurutit inmi-uukturiamingnik.

Aanniarutit ukualu aktungnirmun munairjutit, ukualu hiamitirnit munaridjutait, amigaitunik ikajuutiqaqaktut. Haffumuuna tuqtaujukkut aanniaqtailinirmun havautiliqijit havaqatigiit havakhutik tunihijaamingni nutaanguqtiqhijajunik aanniarutinik, ihivriurutinik, kapuqhirutiniklu. Qaritaujakkut qalagjuarnirmun COVID-19 munaqhit kivgaqtuqtut ikajuutighat aanniarutinun-aktungnirmun munaridjutinun aalallu kivgaqtuutit. Tamavjaita hatumiarutit, imaatun ivjarutinik taimapkainikkut pitqujaujut, iliharvingni/nanminiqagtuni/havagvingni umiktirinirit, tingmitailidjutit, katimajut amigaitilaanginun pittailidjutit, aallalu ingunun aanniaqtailinirmun maligahat, pihimajut nunamingnun qalagjuarnirmun COVID-19 hulidjutit aktilaangit talvanga. Havaqatigiigutit pipkaijut ikajuutinik atautinun ilagiinun avaliingaaqtitaujunun, uuktuutigilugu, haffumuuna maligahakkut niqifhanik halumaqhitighaniklu tamajanik.

Hivuani-Omicron aanniarutip, atauhiq qilamitqiaq ukualu inugiangnikkut-amigaitilaangitigut hautmiarutit havakhugit avaliingaarvighat hiniktarviit. Nunavummiut pijariaqaliqhutik avaliingaaqtitaulutik 14ni ubluni kituni hivuraani najugaini utiqtinatik aviktuqhimajumun ukualu nunamiutaungitut tingmipkaqtaujuungnaiqhutik. Ihariagijaujut havaktit pipkaqtaungitut avaliingaaqtitaunirmun tunihijaaminik kivgaqtuutinik Nunavunmungaujaaqhutiklu maligahaqaqhugit mighijuumiriangani aktungnirit hilataanin havaatik malikhugillu ivjarutinik atimadjutit inmi hivulirni 14ni ubluni aviktuqhimajumungaugumik. Ihariagijaujut havaktit ilaujut aanniaqtuliqijit havaktit, tajauhijaujut havaktit, ukualu havaktit aulapkainirmun tingmitit uhidjutillu igluqpait.

Nunavut pijait hivuliit tujuqtaujut qalagjuarnirmu COVID-19 kapuutit atughaaqtilugu Ubluiqtirvia 2020. Akiliqtuqtaublutik tingmitit agidjijut kapuutighanik nunallaanun ukualu havaqatigiit munaqhit kitut kapuqtuijut tamaani Ubluqtuhinia 2021. Iqalungni, inirniqhat ukuallu qajangnautiqagtut inuit kapuqhiqhutik, kapuqhgillu tamaita inugiangnirit ukiungitigut. Talvanga, inirniinait kapuqhiqpaktut. Kapuqhirnikkut amigaitilaangit amigaitut kapuqhiutait tautuktaujut ihuaqtut qilamiklu pihimajut. Nunallaani ilaudjutit ikajuutillu aghuungnaqtut. Nakuunirit haffuma kapuqhidjutip ilaujut

anginirhakkut tutqidhaijdutit hapkunani Kavamatkunin Nunavunmi ukualu hilataani havaqatigiit.

Pijaarnirit kapuutinun amigaiquumiqhugit tamaani 2021mi talvanga Aanniaqtailinirmun Kanadap angiqtaik kapuutit nukarhinnun ukiuqaqtunun. Talvunga Hikutirvia 2021, tamaita Nunavummiut talimanik ukiuqaqtut angajughiillu kapuqhiqtaaliqhutik. Kapuqhiqtut amigainirit naunaijaqtaublutik havainiri tujuqtaublutik kanadamun, ukualu aalat aviktungniit aviktuqhimajuqlu. Qitqani-2022, kapuqhinnirmun amigaitilaangit Nunavunmi aadjikiivjaktut ilanginun nunaqujami anginiqhaujut amigaitilaangit malrunnik kapuqhiqtut kihimi ikitqiat amigaitilaangit ilaliutihimajut pitqujajut kapuqhiutit.⁴

Kiudjutit ihuaqtumik nuutiqhutik atuliqtilugu Omicron aanniarutaanun aktilaangitigut munaridjutit amigaitut atautit kapuqhiutaat, ilaujuq kapuutiqarnikkut. Kajumikpiaktumik nutqaqpalliajut inungnut aanniaqtailinikkut maligahat avatiini aviktuqhimajup aularutibluni atughaaqtilugu Iidjirurvia 2022 humi aanniarutiqaqtut ikilivaliajut tamavjaini nuallaani. Nungunianun Qiqailruq, aktungnirmun naunaijautit aanniarutinun taimaaqtaublutik ukualu avaliingaaqtitaudjutit anginirhakkut-qajangnautiqaqtut aktungnirit pitqujajungniaqhutik. Tamaita maligahat avatiini aviktuqhimajup taimaaqtaublutik atuliqtilugu Qitiquautijuq 11, 2022, ilaujut pitqujajut avaliingaaqtitaunirmun qalagjuarnirmun COVID-19-aanniarutiqaqtut atautit.

Iniqtirutit

Ajungnaqtuq ihuangitumik itqungniarutait hulaqutinirmun tapkua qalagjuarniq COVID-19 aanniarut nunaqujami pidjutigijaat Nunavunmiut. Una uniudjut tunihijuq naitumik kangiqhidjutinik havautiliqinirmun unalu inungnun aanniaqtailinirmun hatumiarutinun, kihimi ilituridjutaujuq tapkua pidjutiqaqtuq anginiqhainun hatumiarutit havaqatigiigutuluuniin avatiini aanniaqtailinirmun munaridjutinun, inungnun aanniaqtailinirmun, ukualu inugiangnirit tamaita atuqtilugu aanniarut nunaqujami. Hapkua ilaujut tuhaqtidjutit ihumaliurutillu avatiini amigaitut havaqatigiit, ilaujut nunallaat haamlat, Inuit katimajit, nanminiaqtut havagviit, aanniaqtailidnirmun, aalallu havagviit. Hamani Aanniaqtailinirmun, anginirhakkut havaqatigiingnirit qitani aanniaqtailinirmun munaridjutitukualu inungnun aanniaqtailinirmun kivgaqtuutinik tunihijut ihariagijajut nakuujumik kiujaangini.

Atuqtilugu aanniaqtailinirmun qilamiurutit aanniarutikkut nunaqujami Nunavumi, aanniaqtailinirmun auladjutitukualu inugiangnikkut turaaqtauhimajut kiudjutinun

⁴ Havakviat Maniliqijit Ithivriutirjuam Kanadami, 2023 [Qalagjuarnirmun COVID-19 Aanniarut Nunaqujami: Qalagjuarnirmun COVID-19 Kapuutit Nunavunmi](#)

hungiutinirmunlu hulaqutinun qalagjuarnirmun COVID-19 tamaini ihumagijaujut inugiangnirit. Taimaali qalagjuarniq COVID-19 tadjja anginirhakkut pidjutigilugu, aalallu aanniaqtailinirmun ajuqhautit Nunavunmi aulajuitut.

Inungnun aanniaqtailiniq amigaitqijaq hiamitirnimun aanniarut, ukualu hiamitiqtut aanniarutit avatqumajut qalagjuarnirmin COVID-19 avaliitumin. Havaqatigiit havakhutik havaqatigiingnikkut siksini inungnun aanniaqtailinirmun auladjutinun naunaijaqhimajut Kanadami: inugiangnikkut aanniaqtailinirmun naunajautit, aanniaqtailinirmun ihivriurutit, aanniaqtailinirmun munaridjutit, aanniaqtailinirmun aghuurutit, aanniarutiniktailinirmun aanniaqtailinirmunlu pittailidjutit, ukualu qilamiunirmun kiudjutinun upalungajautit kiudjutillu. Pidjutaujut kitut pivalliajaghat ihuaqhijuumiriangani hivuniptingni aanniaqtailinirmun qanuriniinun uniudjutit ilaujut ihuaqhijuumiqlugit kangiqhidjutit inugiangnirmun pidjutaujut ukualu inmi hulaqutait aanniaqtailinirmun Nunavunmiut, ikajuqlugit amigaiqjuumirutit aanniaqtailinirmut ihivriutit amigaitilaangit aviktuqhimajumi, pihimalugillu havaktavut ilaqaqtut avaliingaaqtitaunginarnirmun (qaffiuniit naunajautillu) kangiqhidjutit kihimi qanuriniit (unipkaangit atuqpakhimajait) kangiqhidjutait.